

兩朝從信錄

兩浙從信錄卷之二十九

秀水

沈國元述

丙寅

天啓六年

正月

御史陳以瑞疏叅太僕少卿劉蘭、吏部郎中吳維祺、工部郎中呂克孝、南戶部中童述先、開住。

疏指劉蘭爲月嘉謨張問達爪牙腹心，維祺聚徒誦學，黨人之應若指，呂克孝入張問達之幕，而張問達並述先、通交楊左，升北逐南及楊左縱騎所過，賄以百金爲行李費。

刑科劉先春、御史高弘祖敬陳營務十一款，一會補之制宜復，夫營官設有五百餘員，督以總協二臣，察以巡視

科道四衙門一體統轄原自並行而不悖者故

大明會典一款內開嘉靖二十八年議准三大把總等官員缺提督文臣會同該營提督巡視科道等官選補俱務在得人會典開載炳若日星嗣後凡遇營有缺員類齊若干名必先移會職等衙門屆期公同會補見今總協二臣掛號虛公事事僉同破畛域而渾協大道首在斯舉爵人與其是亦得人之一機也一聽用之課宜勦邇來聽用各官止掛虛名于標下經年不見一面直至年終甄別然後入營較射一味鑽求百端僥倖有因東隅之失而思覆短者有厭循資之鈍而覲躡進者有接壤剗之事執爲常例

遇有老弱不堪者卽批令弟男子侄告替內有戶絕丁殘
無可替者亦准異姓頂補每月新軍過堂職等與戶兵二
部司官面審膂力强壯卽許摘牌替役不必開收以在月
糧人情自欣然樂從而無年老不替之軍矣一火器之技
宜練竊惟京營官軍十萬有奇弓弩短兵居其四火器軍
人居其六蓋爲火器能以寡敵衆以近制遠軍中第一長
技也自今宜責成各該將領卽將六萬火器手嚴汰老弱
責令該管千把總日逐教演變疍靡而精強轉無用爲有
用誠今日營務中之最吃緊也倘該營將領澄汰未盡年
終卽以此爲殿最千選把總訓練不精者立行黜革一勇

衛之器宜造查得勇士四衛兩營創自宣德八年設立坐營中軍把總等官軍勇鱗集戰騎雲屯實爲

天子之親兵扈駕之近旅也其旗幟響器盔甲器械等項爲軍伍中必需之物除內庫收藏外合無照三大營軍事例分別項款立弓弩手若干隊短兵手若干隊火器手若干隊爲造各項器具分給軍勇仍令時加訓練日逐操演以使行伍整齊軍旅改觀可也至于給錢糧造器械或該工部或該內監伏乞勅下該部酌議之職等衙門不過逐一爲之稽查弗使冒破已耳一營馬之補宜合夫三大營巡捕營軍選騎操馬匹每年倒失缺領者各營將領呈報

者種種弊端令八厭鄙而希圖薦剡猶其小耳嗣後宜聽職等衙門四季考查先觀步騎徐試韜畧果其負韓白之奇窺孫吳之秘者不難咨部擢用卽抱一材一藝亦必遇缺會補若猶一無可用所聽何事卽爲除名斷不使儲材一途爲銅臭借階之路一選壯之練宜亟京營軍選通計一十萬餘衆每軍月糧一石壯丁加五而選鋒倍之凡以此等技力過人爲是優異之耳今宜于常操之時行令各該營將官每日調隊比試如式者賞不如式者責并連坐本官不貸候臣等入營調射亦如是法內有老弱者卽當面陸續批汰復于春秋兩季設操後又定期逐名試驗能

勝者照舊充數、不則遞降單糧、或有單糧之中、技力不可以堪此者、亦不妨遞爲拔補也、一老弱之汰宜善。國家養一軍、期收一軍之用、營伍若此、豈終聽彼之糜占乎、而職等有一法焉、請以練之法爲汰之法、按營新設壯丁七千、各月每食糧一石五斗、爲援遼設也、豈可令其嬉遊與、營軍必立之教師、每日操演、中有技開力壯、卽以選鋒名缺、補之、是以石五而補兩石之缺、遺下壯丁名缺、卽選各營精壯尖手補之、是以一石而補石五之缺、其在下弓弩手亦必定補尖手、而人人自奮、不立簡汰老弱之名、而老弱自漸退矣、再臣等進營點閱時、復取年貌操冊按隊比查

兵部隨該兵部照數具題選補視軍之殷實可以滋養馬匹者方與法至善也但

朝廷設官分職各有司存各衙門不得而侵越之亦不得而專任之夫軍營軍也所補之馬營馬也俱巡視二臣所統轄者卽如替補營軍下糧與驗軍廳必會同查驗年終印馬問寺與車駕司亦會同查給何兌馬一節職等獨不得與而司馬近訪得衙役作奸選補一番徒爲彼居奇貨軍之殷實者未必與與者未必用有錢者免無錢者取在三大營猶可而捕營爲甚有選之名無選之實欲以益軍反以損軍弊何可勝言哉嗣後合無永著爲令各營先將

馬匹缺額細數、一面呈報兵部、一面呈報職等衙門、必俟移會日期、公同合驗、擇各軍之殷實者、而給馬票、赴寺候領、庶軍無指索之苦、亦無使費之煩矣。一捕官之任宜重、夫捕營把總、于各軍馬領袖一方、爲保障也、捕總得其人、則巡軍勤而地方以寧、非其人、則巡軍怠而地方難靖、此勢所必然者、嗣後如遇捕總員缺、該部必于京營中軍、遴其精強、兼幹技藝優者、而後推補、又如各把總、賢能有功者、仍各照信地之逸勞、以定陞轉之遲速、功令信、賞罰必如是、則各總咸知所惕厲、而奉行謹、衆軍各知所警備、而偵緝勤、盜賊有不消、而地方有不安靖者、職等未之信。

也。一捕總之居宜定。夫捕總一十八員多係在京衛官推補、各守祖居、安土難遷、故有信地在城外而住居反在城內、信地在城內而住居反在城外、無論夜間點查巡役、往來不便、倘狐鼠竊發、一時豈能就知、誠有大不便者矣。嗣後合無責令中把總各照該巡地方居住、不許自苗便安、致有疎虞、仍令兩班把總協同緝巡、無致如秦越之相視、功同賞、罪同罰、第以班次之上下稍爲分別耳、違者容職等衙門叅革。一隘口之防宜密、巡軍一萬一千有奇、分爲上下兩班、每班派撥五千餘名、巡夜不爲不衆矣、然夜巡愈繁、而盜賊愈滋、有何益、由各軍俱各撥于街巷零

星防守而盜賊出入要路反聞若其無人故耳職等以爲莫若將步巡分于各街衢巷內偵探而騎馬遊巡專撥扼隘處所巡緝令其鳴哨爲號如遇巷內哨聲一起馬軍輪撥巷口者謹守弗離又不令此輩盡地以偷安也必使往來不絕有警彼此互相應援一夕之中馬步二軍又各分爲上下半夜輪流哨探如是則責有專屬一夜禁之令宜一都城五方襟處傾蓋之間驟難別議合無勅下該部列款禁約張掛通衢凡軍民諸色人等一更之後不許行走至鍾鳴漏盡方許出入街衢其酒坊水戶併一應鋪家沿街貨賣者起更時候卽盡行禁絕倘有不遵約示仍前

違禁者許令各該把總巡軍鎖拿解署重懲枷示庶人知畏法地方有寧是亦清盜之一端也統候

聖裁

刑科潘士聞直糾不簡之臣奉

聖旨曹欽程不簡敗群着削籍爲民當差仍追奪誥命其領過陵工神木廠二項銀兩務要銷算用過若干見存若干交割明白方許回籍該衙門知道

上傳與吏部都察院犯官王之案周宗建張慎言熊明遇方大任等及已故陶朗先楊漣左光斗顧大章等家屬奉旨行彼處撫按提問追贓如何久不回報顯屬違玩還着

移文各省直勒限速解以助大工

兵部接出

聖諭朕以渺躬續承

祖宗大統夙夜兢兢志期保有疆土而遼陽淪陷未見恢復
禦河之挫益用痛心朕是以更置經臣以及鎮臣政期
一番振刷立奏膚功也迺今逆奴且有將至右屯之報其
于山海勢已逼迫一重門限能無凜然足維爾經臣督臣
鎮臣之責爾等受命方新籌畫必預其務殫心料理畫地
分守應守則守應戰則戰毋得輕率躁進毋得觀望不前
致滋小齷之情不過爲搶奪右屯繼草之計而籍茲爲餌

政逆奴天亡之日也。向所患者文武不和。今其一德一心。毋相推讓。向所患者望風而逃。今其中嚴法令。逃者盡斬。其樞貳亦屬特簡。在內如何策應糧草器械。作何區處。不得怠緩事機。庸功既奏。凡在事文武大小將士。封爵朕所不靳。如再仍前泄泄。至有僨事。

祖宗憲典。藥如朕決不爲姑息。該部馬上差人傳示經督鎮臣。欽哉。故諭。

上傳與兵部。邊情緊急。昌平薊鎮各路口。一應道將。各要嚴加防禦。不得疎虞。其昌平缺總兵。速推謀勇堪任的幾員來看。以憑簡用。

經畧高第榆關修守宜嚴疏曰據前山右關內二道袁崇煥等呈蒙臣案驗仰道會同各道作速查議天啓六年春秋兩防關門及關外工程某處極衝今應亟修某處次衝可以稍緩逐一議按呈詳以憑覆酌具題等因蒙此該職等爲照逆奴未滅窺伺日殷關門防禦之着總在修守及查關城南至海口十五里北至角山五里邊城單薄議建空心敵臺四座圍牆各一道作城西南面壘塌敵臺一座開城外南北二十里應築護城揮馬牆一道內置火砲向東平打以拒虜不得近城南水關北水關各添吟月牆一道一片石極冲之口先年止修南半壁舊牆朽爛十數丈

應急修築。又魯山以北應修補邊牆約三百餘丈。前此鎮西城尚未修完。今應補修。錦州係寧遠藩籬。城垣頽壞。皆應修築。以資保障。又關外歡喜嶺八里舖。原議創修大牆一道。以禦虜騎馳驅。前年業築臺數座。猶有議其當修者。工程浩大。修工班軍。合無仍照舊歲例。薊遼各分其半。庶漸不相妨。而邊工有裨。緣由到縣。據此案查先爲東巡已竣。聞見頗真等事。准兵部咨談本部題覆。順天巡撫申用懋修議內一款。大畧謂薊鎮邊垣連年坍塌。班兵約量歸薊齊力興修。其歡喜嶺八里舖建城拓地之議。仍聽經臣從長區畫等因。復奉欽依。備咨到臣。又推督臣咨前事內

開薊昌二鎮例設修工班營自天啓六年春防以後盡留
兩鎮等因俱經脩行各道會議去後今據前因該臣等看
得薊昌二鎮內護陵京而榆關爲神京門戶前屯錦
州當奴虜之要冲其工程並重不可分緩急揆今日之時
勢則關遼似尤急也臣自蒞任以來巡城南北邊牆及羅
城外歡喜嶺八里舖一片石等處除歡喜原未修築八里
舖工程浩大且免議外如修補城西南敵臺城外建空心
臺四座又二十里長護城欄馬牆一道一片石極冲之口
修築北半壁城牆十數丈又修補角山以北坍塌邊牆三
百餘丈皆所以壯開門而固根本也至於前屯城修完三

面而西南未修則防禦何恃錦州城軍民叢聚而頽壞難
守則保障何依又皆不容緩之工程將班軍盡撤修薊昌
二鎮而置關門爲緩苗是重堂與而棄門庭豈防禦之長
策哉合無如該道所議仍照舊歲例半留修昌薊半發修
關遼斯工程兩不相妨乃持平之論也伏乞

皇上垂念榆關安危所係匪小勅下兵部再加酌議如果
臣言不謬將天啓六年春秋兩防十二營班軍薊遼各分
其半庶內外兼修而金湯俱壯矣

兵部疏言本月二十六日寅時據寧前兵備袁崇煥差撥
見楊景松口報二十三日大營達子俱到寧遠扎營一百

至二十四日寅時攻打西南城角用火炮打死無數賊復
攻南推板車遮蓋用釜鑿城數處被袁崇煥細柴澆油并
撓火導用鐵繩繫下燒走至二更時候方纔打退又選健
丁五十名從城上繫下用棉花火藥等物將達賊戰車盡
行燒毀今奴賊見在西南上離城五里龍宮寺一帶扎營
約有五百餘騎其龍宮寺收貯糧好米俱運至覺華島遺
下爛米俱行燒燬訖近島海岸米俱鑿開達賊不能過海
袁崇煥於賊退後差景松與馬有功從城上繫下前來報
信等情到職看得奴兵五萬餘圍寧遠城自寅至亥攻打
一日頂車鑿城勢甚兇狠該道督率官兵堅志固守多方

人可謂快
絕

吏傳所少

應變打灰賊夷數多并焚其戰車而賊風稍挫然尚扎營
設計復蓄狂逞倭謀叵測除一面中飭道鎮將領等官萬
分加謹隄備務保萬全

按崇煥當奴賊未至之時推牛殺馬引佩刀手鈔其肉
烹之以饗將士特誠格天故有此捷

吏戶兵三部接出

聖諭朕覽塘報賊攻寧遠甚急當被城中道將諸臣協心
設法砲打火攻賊營少退危而得安且速焚寺糧米不爲
賊擄之資遍鑒近岸堅冰潛消過海之患袁崇煥血書示
衆將士協心籌運師中調度有法滿桂等捍禦孤城矢心
奮勇雖未盡殲逆奴然已首挫克鋒似此忠勞朕心嘉悅

今特賜獎諭，仍着該部從優陞叙，照舊供職。戶兵兩部發銀十萬，爲犒賞之資，用鼓戰氣，以勵軍心。其經督鎮道諸官，還要大家倍加細心料理，相機接應，以爲寧遠聲援。以固山海保障，務在萬全。期奏膚功，不可以小勝自滿。仍銳意滅奴，全復疆土，庶仰雪三朝之耻，慰朕宵旰之懷。兵部馬上差人前去，銀隨後解到，欽哉。故諭。

二月

經略高第塘報虜情奉

聖旨、屢報捷音、朕心嘉悅、袁崇煥已升僉都御史、滿桂、趙率教、升實授總兵、加都督同知、左輔等、着查明優叙、所發犒賞銀十萬兩、聽經臣分給、寧遠前屯、四處軍士、督臣出關、援兵聚集、當相機調度、逐虜過河、各路口、尤宜嚴加防禦、毋至疎虞、兵部知道、

此十款明
白簡易不

論國外
內近虜遠

窮行之即
勅垂之可

順天府府尹沈演謹陳制禦十款一城垣有無完固壕塹有無深廣樓櫓有無脩輯皆應作速區處一器械原有件數果否堪用敵壞者整頓未備者脩造一墩臺以備守望

舖舍以傳警報。豈得任其頽敗。墩軍舖夫。或加添。或更換。相應各給器械。以備巡警。一各口子道路。或虜可冲入之地。則宜抵塞。法當督民開塞。深溝陡塹。以陷虜馬。或虜騎必蹂之地。則宜堵截。法當造暗坑。埋地雷。以扼虜冲。隨地相機。務期費省。而有實用。一各市集居民。何處爲虜騎稍遠之地。人烟聚集。原有墩堡。應脩築完固。以資捍圉。其脩築捍圉。擇居民中。有力有才有行義爲衆所信服者。倡率鼓舞。官爲調度。鉗束。無致擾民。何處爲虜馬必蹂之地。零星數家。氣力單弱者。應收歛入城。以資防守。作何安插。俱要曉以利害。聽從民便。與高年知事者熟籌其宜。務使民

心樂從無一切強民徒滋煩擾亦無得因循怠忽臨事章
皇使民無措一原額軍兵若干見在若干快壯若干子弟
兵若干即今有無足用何人武藝高強可備戰鬪何人年
力精壯可備城守何人機巧便捷可用偵探務要試驗真
的花名冊報一各衛所官員何人弓馬熟嫻可備統領佐
貳以下何人調度有方可資贊畫鄉紳中何人諳習兵機
可諮輯略至士子之有志當世者父老之歷練有識者子
弟之驍勇警敏者俱要不時延見訪以機宜務要上下同
力官民一意如指臂之相使如呼吸之相應爲百姓保護
身家即爲

朝廷保護

封疆但無得偏聽一人。輕有舉動。不合衆心。一民間丁壯。諭令習射。除督率獎賞外。果有弓馬熟嫻者。彙爲一冊。如登名冊中。小過應筭。及無名差徭。量與蠲免。偶有訟事到官。免其刑責。從輕發落。以示鼓舞。如有教師打手等項。皆查造入冊。量加獎賞。既收瓜牙之用。亦消吐腹之虞。一鄉村戶多人衆。不願搬移入城。自願立柵築垣。團練守禦者。聽。但宜申報。令于衙門掌印官。親爲經理。務期地形得利。守禦堅完。無疎薄苟且。反以資寇。一申嚴保甲。以稽查奸細。爲第一義。面生可疑。踪跡詭秘。即行根究。一家不舉。十

家連坐如常法但要着實舉行無疎無擾以上十款已經
通行二十七州縣訖伏念諸臣之建白者在言一蒙
皇上嘉納卽爲石畫臣所欵列者在行倘州縣奉行不力
卽屬具文伏乞

明旨嚴加

申飭責以必行如或玩忽不舉罪有所歸庶
重地寸寸設防

京師安于太山矣抑臣猶有二議古稱有治人無治法以
法而強授之人不如擇人而聽其自任如十事行有實効
卽係異等乞

勅撫按二臣、非時特舉一二備邊才之用、如泄泄從事、亦聽非時糾劾、其或子惠堪以宜民敦固難與談兵、不妨量才更調、務使近畿州縣皆強敏有力、機警應變之才、則告誡不煩而長城有賴矣、至于進

貢夷人、臣昔備員主客、稍悉端委、每起常補二貢、每貢近百人、大約在館常二百餘人、此輩衣服言語與東夷無別、奸細混入、何繇辨識、此時三衛順逆情形、尚未可知、而令輦轂之下、潛藏異類、能無隱憂、況今之貢夷、原非舊制、已失

成祖本意當時入

貢皆都督酋長正身遞置邸中蓋有古質子遺意今之來貢皆積年猾夷窺覘虛實騷擾驛遞無所不至今無明

勅督撫每起量送一二人進

京以存舊制其餘俱在邊領賞賞物照原開人數一無所減令序班一員押赴邊關領發寔有四便一免狡夷密伺虛實之弊一無奸細頂名潛入之虞一省近京州縣開發供應騷擾縱恣之害一省光祿寺在

京宴犒供應各項之費伏乞

皇上下部一併施行奉

聖旨條陳十款皆綢繆至計近畿州縣務在必行不得以
虛文塞責其進貢夷人除已往不論外以後着督撫官每
起量送一二人進京餘俱在邊領賞賞物照原開人數全
給仍要作速打發毋令久住京師該部酌議一併具覆
兵科抄參看得三輔爲京師重地未事而張皇即事至
之暇豫也京兆所籌十款似無遺着然非

廟堂功令嚴赫而槩求守令設誠致行恐不可得法在限
之以程期督之以申報完之以委查繼之以巡閱如凡堅
築深浚設險伏機積穀教射器械砲石等項要必近地撫
按加意神京不時舉劾以此爲課吏第一義而後十款

可舉行也。顧奴酋計必因糧。則清野尤爲長策。中國計
必嬰守。則火攻尤爲長城。而火藥之料。硝易磺難。須令各
州縣酌處錢糧解京。特差部司催買置造分發。廢物物皆
桑土。而處處有綢繆矣。昔王壁順昌以孤城力挽大兵。矧
以三輔應援犄角。而乏萬全之策乎。至于進貢夷人。寬收
之。必且滋奸。嚴拒之。亦或生心。則
聖旨所謂全給速發者。不可不尋繹而籌處之也。抄出斷
之。

誠諸臣凡條奏軍國緊要事情。務明切簡要。有曾經人道
過者。不得勦襲。竇陳。從科臣段國璋奏也。

授承和王妃父趙克念南城兵馬副指揮、

命員外孫元化製西洋砲以資防禦、

削御史石三畏藉以其條議輕率薦舉欠當故也、

逮歐陽暉、下劉鐸刑部獄、

時鐸供扇詩爲歐陽暉所作、鐸
前寫贈本幅故命逮之、

賜寧德長公主駙馬劉有福冠服、

兵部條陳六事、一廣諮訪以儲將材、一搜猛士以滿冲殺、

一防逃兵以振士氣、一懸賞格以致首功、一嚴市買以充

撫賞、

經略高第飛報奴兵過河奉

聖旨、據報奴酋盡數回巢、深慰朕懷、還着嚴加偵探、務備戰守實事、以備將來、不得以賊退怠緩、該部知道、

鹵簿大駕工完、奉

聖旨、魏忠賢加恩三等賞銀五十兩、紵絲三表裡、廕弟侄一人、與做都督僉事、仍賜勅獎勵、劉忠加恩二等賞銀三十兩、紵絲二表裡、廕弟侄一人、與做錦衣衛正千戶、該部知道、

南道徐復陽、疏叅曾汝召、魏士前、郝土膏等、奉

聖旨、曾汝召、阿附邪黨、羽翼移宮、希圖定策、魏士前、倚恃熊廷弼、周嘉謨、恣肆貪婪、驟躋臬憲、郝土膏、作令不仁、麾

親無父、典試策文、誦上無君、并前降處的方逢年、章允儒、
顧錫嘯、丁乾學、熊奮渭、李繼貞、都着削了籍爲民當差、仍
追奪誥命、其董承業文氣稍平、姑照前旨、郝土膏、賍私狼
獍、仍行該撫按提問、照數追賍、以助大工、仍據賍從重擬
罪、該部知道、

即此一疏、亦已甚矣、未幾、又上言六事、一曰黨根宜拔、
請後祀忠、二曰于城外隙地、以代書院營迹、海內講院、誰
敢不毀、一曰濫贈宜禁、三曰應釐陳大綬、爲邪臣王允成
所疏請、宜從制奏、一曰勘案宜結、凡言官所糾、與
嚴議所及、宜作速歸結、一曰持局宜堅、言諸奸日謀捲
上、并力爲控、必有所乘、而何吾隙者、一曰鑄錢、一曰
代此六事中、尚結持
尚二議、沈禍益大、

成張愼言、逮周宗建、繆昌期、

削總兵楊麒藉爲民以應援不前致有覺華島之失也

勅獎魏忠賢復廢第侄一人都督僉事賞銀三十兩紵絲

二表裡羊酒新鈔有差

時臣呈秀阿逆瑞有觸事懷忠一疏頌忠賢蠲
年例免風通緝獲有功尚建多績故有此

刑部尚書徐光魁會同法司周應秋徐大化 啓光吳中
偉劉廷宣問成惠世揚獄詞大約與鎮撫司招詞相符遂
坐以上刑奏入逆瑞從中持之竟如議

惠公身受慘刑知不自免惟求速死乃
天佑忠義之人卒脫之于難幸矣哉

織造太監李實以欺君蔑旨奏誣諸臣奉

聖旨周起元背違明旨擅減原題袍段數目又指勒袍價

或言通黨
捏說而以
實事上之

以致連年誤運、且托名道學、引類呼朋、各立門戶、一時逢迎附和、有周宗建、繆昌期、周順昌、高攀龍、李應昇、黃遵素、盡是東林邪黨、與起元臭味親密、干請說事、大肆貪婪、吳民恨深切齒、除周宗建、繆昌期、已經逮解外、其周起元等五人、都省錦衣衛差的當官、旂扭解來京、究問李實仍安心供職、該部知道、

鎮撫司奏報緝獲奸細奉

聖旨、奸細武長春、係叛賊李永芳之婿、向來出入京師、窺探消息、謀爲不軌、又糾結李應誠、李柱、周應元、李棟、薛奎等、鑽營守備、意欲握兵內應、近者奴賊入犯、彼實致之、幸

上賴

宗祖之神靈、下藉厥臣之忠智、獲此元兇、并擒姦黨、已經鎮撫司究問情真、着送刑部依律從重擬罪、魏忠賢赤心爲國、殫力籌邊、前此屢著奇勲、今又潛消大燄、不燬亡矢、遺鏃之費、可比斬將塞旂之功、勞在封疆、賞宜超格、着查照寧侯晉伯事例、速議具奏、以彰朕酬答元臣至意、其原辦官旂、并與優叙、該部知道、

應天巡撫毛一鷺、按臣徐吉、奉吏部咨文、將曹欽程、叅周宗建事、欵逐一研勘、竟無實、勉坐修造書院俸薪公費等項千金、猶未稱

嚴吉致蒙有提家屬追比之諭清苦之宦念不能堪矣

先是曹欽程令吳江正值至清廉之郡守沈萃慎表率其上而沈狼之性多所便忌而不能發舒已隱隱嚙恨矣乃隲儀日吉沈守曰是安可一日令居民上歲入告賢撫則應元使之害去以介此予遺維時吳江周宗建吳鎮兩侍吏與郡中周頃言經司問卿吳縣及文陳者君子直視松栢氣洽芝蘭實與守公善而於國計民情多造閭落訪欽程于是發凡所醜狀皆邑中周吳兩公發其私不知兩公素以雅厚自持夫豈不明于居是不非之義而為此曉曉夫亦已呶巷議實不能掩奈何其心投遞乘機報復使沈吳二公有簡貶之虞周公有連追之苦而竟以此覆其家殞其生寧不悲哉正所謂蛇蝎之毒與人同盡而無悔其宦人之謂矣

三月

朶顏等衛夷人妙朶兒進貢。

朝鮮陪臣金堤等慶賀禮畢辭歸。

經畧高第以病辭免。從之。

上諭吏部當奴酋猖獗之日有叛賊內應之奸非但封疆勝負攸關亦宗社安危所係魏忠賢預發不軌之深謀大挂積年之強虜捷音雖報于邊塞勝筭實出于廟堂寧晉先後齊芳世爵襲封允當特封忠賢任太子太保左都督魏良卿爲肅寧伯世襲官銜照舊歲加祿米一千一百石其遣下世襲錦衣衛都指揮使另行承補錫之鍊券與國

官保

伯

鍊券

同休誓以河山永世無斁。藉此彝典。作勸忠良。該部知道。
以袁崇煥爲右僉都御史。巡撫遼東山海等處地方。提督
軍務。

裁倉差。

中后所災。

二月二十六日。中后所失火。燒燬倉糧。火藥器械。
命嚴寃失事人員。

兵部接出。

聖諭。朕自卽位以來。歷念遼事。夙夜靡寧。若發帑助餉。頒
器佐軍者。屢矣。迄今數年之久。未雪三朝之憤。頃又渡河。
告警。寧遠被困。賴一特文武合謀。孤城得守。然醜類未盡。

殲除則戮孽、猶恐時發也。朕雖深居九重、無日不懷此遠慮。又念文武將士、星居露處、環甲枕鞍、憫我征人不啻痍瘵之切已。茲特發御前帑銀四萬兩、各項青紅蟒衣、燎襪等段約二百疋、并神廟昭妃等妃、朕后宮皇貴等妃、皇子及諸王公主、司禮監等衙門各局、司庫掌印、札清宮御前管事提督、牌子各執事太監等官、共銀十六萬兩。又檢得軍前滅虜應用神器等件、錢糧頭號發煩三位、二號發煩九位、安邊號神砲二百位、虎蹲神砲二百位、頭號佛朗機一百位、二號佛朗機一百位、鉄湧珠砲一百桿、鉄連珠砲一百桿、鉄三眼銳一千、各隨用什物全、火藥二萬斤、大小

鉛子十萬个、弓二萬張、箭六十萬枝、刀二萬把、特着司禮
監秉筆太監提督忠勇營鎮守山海等處、兼掌御馬監印
務、劉應坤與同軋清宮管事提督忠勇營山海等處左右
鎮守御馬監太監陶文紀用、軋清宮打卯牌子忠勇營中
軍御馬監太監孫茂枝、武俊、王蒞朝俱隨赴山海關撫鎮
道臣處服同查收、相機軍前公用、其銀兩就着劉應坤移
會撫鎮道臣分別等第、唱名給散、必要上下各需實惠、勿
致遺漏、冒濫、其差去員役、已自備盤費、餱糧不許騷擾、馴
過而經過地方、亦該加意防護、務保萬全、於乎賜出尚方
表朕每飯不忘之意、恩沾邊塞、詎無捐軀首報之心、知爾

四代誥命

三軍勇氣百倍、倘犂庭掃穴、得蚤紆東顧之憂、將礪山帶河、自不靳辭勲之典、欽哉、故諭、

給肅寧伯魏良卿四代誥命、

賻地

賜魏良卿養贍地土七百頃、

命內監劉應坤、陶文紀、川等駐札山海、清查糧餉器械兵馬之數、凡軍中戰守事務、與聲息緩急進止機宜、俱得與議、據實密封馳奏、不得參商、

齊同

以獲王川行、脞魏忠賢第任一人都督同知、

大學士顧秉謙等上公務疏、內叅論閣對禁近之人、奉

聖旨、是三朝要典、乃傳信萬世、垂訓將來、鄭崇光受賄狼

人之心術
可以反照
而得之者
此照是也
故錄之以
志儆戒之
惡

藉見在追贓周大成鄧陋不堪久依門戶豈得閱對大典
俱着冠帶閑住其汪汝祥汪澍皆惡党汪文言宗族心術
險邪熒惑因是招權納賄淆亂紀綱俱不得久踞密勿要
地都着削了藉爲民當差仍追奪誥命該部知道

工部侍郎崔呈秀直陳要典之原曰史臣編輯

三朝要典起于乙卯止于辛酉七年之中起三大案蓋諸
姦媒孽孽于骨肉構風影於官闈訕妄淋漓于筆端播
煽招邀其徒党賴

皇上神明洞燭其隱徐觀其敗

勅法成書以揚

祖德而肅臣紀甚盛、臣敢本末言之、初年奏

請建儲、正也、已而呂坤遂翫罔範圖說、陽頌皇貴妃、而陰居護持之功、飛誣流譁、遂生猜忖、因萌微倖、嗣是捏造憂危、竑議、會逢

上怒巧卸之人、而給事戴士衡、御史樊王衡、咸遣矣、大學士張位、且削籍矣、而浸淫邪說、廼慕竒勲、暫快驅除、遠基封拜、則又刻續憂危、竑議一書、布散朝堂、詭稱朱東吉撰、若謂東宮之吉語也、皆姦書也、

聖祖震怒、大索、爰有姦書之獄、使非

天縱慈孝、讒夫乘而間之、何慮不爲江亢蘇文也耶、至于

三王並封

聖祖欲遲中宮毓嫡以隆大本輔臣將順

帝美慈定長以絕旁器

主聖臣忠父慈子孝萬古無兩而前年鄒德沐抗章追
論以揚三案之波而助其譏藩封之國自是恒典久安
藩邸之福王府第成而之國甚尋常事禮臣孫慎行等
妾居格心之功衆譽掀天之業附會文致厚誣其
主有立少之心而已居元功以希爵祿欺天罔人孰甚此
者乎

神祖臨御四十八年慈孝如一日也羣臣卽矢憂盛危明

之謨、不當有疑謗居功之寔、至持挺之顛夫、一介掃除之
隸、縛而問之、

上屬之吏矣、發

顧命而御藥、登

大寶而移宮、莫非經正之事、幻作非常之功、慎行施詆、自
得至倡議討賊、駭俗驚愚、旣立國居功之故智也、就事論
事、雖分三案、籍口國本、實同一源、昧元臣定長之苦心、
詐爲立少之誣、循分封之國之故事、謬託翼儲之功、駢至
般移挺藥、矯作疑端、庶幾燭影斧聲、訛爲謗案、弑逆大獄
未遂、湧幢小品、先判此東林所繇起于詭遇、盛于標榜、至

手晚乃決裂而干

天誅耳王之案貪暴不容于物論因提牢而造獄自詫奇
貨可居陸大受以戶部郎擬定福府長史而出疏規避
翻稱衛護國本皆讒姦所繇昌而張問達譁張變幻不
可方物初爲少司寇徇之案以長其姦既當察典諉之拾
遺以謝輿論身躋院部又畏其克鋒察權勢所在一歲九
遷以曲致諂阿真姦貪之雄亂法之首今史臣編輯宜檢
問達支吾廢覆存亡之章跪察寃超遷之月日遵
旨加以斷案乃奪姦魄而杜讒以更新

勅下總裁各官務覈章奏用日毋以傳聞

辭端

毋以己意減刪自卽欺妄必詳必慎如臣所舉數端証
帝德而竊虛名者列其槩于要典簡端以清其源用嚴人
臣無將之戒至

明旨宣付史館及連熊廷弼事蓋惟

勅法而竣新政光明今史臣欲增此案則徘徊于議論
之牽纏欲罷此案又凜及夫

明旨之三及似宜昭示以便遵行者也臣無任屏營激
切之至

御史李九官請久任開畿督撫鎮道諸臣

禮部侍郎楊景辰教習庶吉士

兩朝從作錄

卷二十九

十四 天六三月

擇而後任
無不可又

命定肅寧伯第宅朝房

以楊國棟、梁柱朝、渠家禎、王繼省、何汝賓、克摠兵官鎮守登萊、陝西、大同、保定、廣東等處。

時閤中吏兵二部俱以危疆不宜輕遣中使，縷述其不便者有四，不允。

大約言軍機應在呼吸，六人者奉

詔密奏，則動關進止，反有漏洩參差之虞，一也。將吏樹功立名之心，每不勝憂謫畏戕之心，中調既多，展布必少，且有十羊九牧之虞，二也。況二鎮守三軍，凡事關錢糧軍務，一應文冊必致增設，徹書旁午，郡邑交馳，日亦不給，三也。六人并駐開門，必增衛卒，一應人役漸多，卽中官遜賢而此輩蟻聚，豈能以無事爲福者，地方騷騷，四也。況一時創立，後將因仍，正恐后人未必如前人，則無適之患，實一自今日始耳。

上諭兵部、據報奴酋打造舟車、意尚再逞、卽當水陸固防、前奏有覺華島水兵船隻、作速調補修造之旨、及寧遠急需等物、解發者不時回奏、都下見題復、奴酋急我緩、防禦謂何、今着內外文武諸臣、急修戰守實事、凡繕城製器、積草運糧、補兵派守、時刻戒嚴、常如臨陣對敵、務策萬全、并經畧速議、應否仍設、以便責成、

中使出鎮、閣部爭之不得、于是科臣薛國光、楊所修、王鳴玉、林宗載、周洪謨、彭汝楠、張唯一、陸文獻、段國璋、黃承昊、楊文岳、虞廷陞等、御史牟志夔、劉述祖、高弘晉、李九官、王業浩、王心一、張文熙、許其孝、梁夢環、李蕃、李懋芳、劉徽帥、

宋莊謙陳世倌袁鰲王珙蘆承欽曾應瑞倪文煥王時英
鮑承謨陳朝輔李燦然等相繼合辭言其徒增紛擾無益
疆場亦弗省

御史李懋芳劾罷丁詩教

疏畧曰臣昨疏論丁詩教趙興邦固向所號為四內極
貪極惡而人人痛心切齒者也興邦與詩教附和為同

臣論詩教緣

皇上有所參不當所舉不當之
貴就中畧為點綴今興邦乃為詩教演明其說而云祝
耀祖物議尚騰可無薦魏應嘉不可不參夫興邦亦知
耀祖不當薦好惡凡希之良似未及泯若魏應嘉以私
怨報伏

皇上固云所參不當而興邦獨謂其當參謂不與詩教
附和為同耶興邦自以參李玄等為澄清世道而求附
于正人以妄希
皇上之留用夫論人當合觀其始終本末故孔子曰聽

公正極
快暢之論

其言而視其行若以參論東林便為正人假令其工
幾希論東林亦遂岸然自負正人而亮其貴使舉變援
契比看共
事耶

南道何早以邪黨漏網參區大倫魏說削奪

升畢自肅為參政代袁崇煥管寧前道事

以王之臣經畧遼東等處之臣上言經撫不宜並設奉

聖旨奴報緊急常處處設防袁崇煥在關外鄉在關內互

為聲援呼吸相應乃克制勝萬全舉朝公議停妥方行會

推豈是贅員業已奉旨宜即星馳赴任殫力籌邊不得疑

慮推托今改經畧為督師出鎮總理遼東薊鎮天津登萊

等處軍務新銜以示鼓舞責成至意聞鳴泰速與交代不

兩朝從信錄

卷五十九

壬午天六三月八

必套辭、

封西洋砲爲安國全軍平遼靖虜大將軍遣官致祭、

刑科黃承昊上言邊才最難儲之宜預調南兵科袁玉佩
忠勇謀畧不減伊姪崇煥應調之于北以備緩急邊差獨
苦處之宜優調雲貴按差近從優處而奴氛更惡則巡關
一差已兼按遼之役存亡呼吸蓋與撫鎮諸臣共之卽往
日按遼失事者至與經撫同罪而安可不與雲貴同議優
處哉時論題之

時科臣黃承昊欲散遣遼人出關撫臣袁崇煥欲籍遼人
以復遼兵部議曰此不無可商者彼旣托足內地幸免蹂

贖一旦驅之出關能無生心應行各撫按各州縣有司通查境內遼民若干其老弱者留之中有壯兵堪籍爲兵者量捐俸薪給與衣糧并給批文赴寧遠撫院撥隸某將某營食糧操演或另立一營擇一能將領之其有家屬相隨者設法安插資其屯牧此于散遣之時卽爲團聚之日久而南兵可汰則邊兵可陸續放歸所省安家行糧之費亦不少也前朝鮮刷還遼民之請臣部覆令毛帥收之以成牽制之一旅今恐蟻聚烏散無俾軍聲合無檄令彼中簡其強壯咨赴寧遠一體安置以備耕練使營壘日增荒蕪日闢以遼人守遼土科臣與撫臣之計不待再計者至于

抽調強兵用防肘腋簡昇大臣統之以壯虎豹在山之勢
尤南科臣綱繆根本深慮曷之亦在今日矣伏候
命下臣部遵奉施行

刑科陸文獻疏曰自東西倡獫已來遼事三方犄角費金
錢六七百萬而黔事三省會師亦歲費二百餘萬然師徒
有益剪滅無期額賦日增軍需日缺臣子切同讐之憤而
主上麗宵旰之憂疆吏幾於不可爲而計臣苦於不能支
矣所幸

祖宗之靈

皇上之福奴酋大舉入犯意在長驅而寧遠戰勝報捷京

師奸宄就擒。奢害又爲左右所殺。焚其屍首。此正天亡醜
虜之時。而士民息肩之漸也。不於此時蕩平一寇。將來作
何底止。職憂心如焚。思所以佐前籌。襄後効。而有可早告
成事者。莫如黔惟。

皇上垂聽焉。語曰。兵貴神速。不尚拙遲。言師之不可老也。
又曰。兔起鶻落。犬繼。則又言機之不可失也。閱督臣朱燮
元兩事備說。亦旣虜在目。中而兵行掌上矣。乃其籌黔之
疏。謂戰固難言。撫亦宜緩。且求裁奪以付撫臣。嗟嗟督臣
勞苦功高。所稱蹇蹇匪躬者也。豈肯蹈後時之戒。而貽
君父之憂哉。無亦以無米難炊。而空拳難搏。始爲此無可

數者皆定
陰之總緒

奈何之言也。雖然用師惟恐不持，重用謀惟恐不神，速於此蓋有機宜焉。則軍氣不可不作也，順逆不可不分也，用夷不可不早也，文告不可不先也，使臣不可不重也，奉

聖旨結黔局以併力遼東，誠是確論。但朝廷惟威信可以服遠，安酋屢次求撫，乃殺其求撫之人，以致疑畏不決。今當曉諭各頭目，許其輸誠，勉以忠義，有能縛獻崇明邦彥者，卽以二逆土地官爵優之餘，黨悉從寬政，庶黔事便可結局。至于薦越其杰而來魯欽，皆屬未當，還着酌議行。兵部知道。

刑部左侍郎沈演陳南北制馭方畧，曰西南之局本非難

結乃歲糜餉二百餘萬兵連禍構帥夷師熾罪人之得茫
無畔岸往時當事諸臣自爲其難者以致撫不成撫剿不
成剿恩威兩無所據也近者督臣駕馭得宜逆寅授首科
臣陸文獻一疏最中窾會

明旨採納樞部據爲成議

皇上天覆海涵之仁已昭布遐裔自當頻首受戎索而人
情或謂征不免乃議撫疑于紀綱不振則臣請以已事爲
質治西南夷之法惟在安之不在勝之自是千古定局其
事則舜禹之舞干苗格其在

本朝則王守仁之定思田而究極利害盡誦疑議莫悉于

王守仁二疏十忠十善二幸四毀印之今事較若合符順
逆之數。以往籌今。更自不侔。蘇受首倡逆旅。據郡要挾。安
位十歲。孤兒豈能作逆。受制邦彥。情事瞭然。征播之役。疆
臣與疾討賊。頗効忠順。况以
國制。則安位爲

情形實是
如此

累朝封殖之長。以旅拒。則邦彥爲一時崛起之梟。特以
天兵壓境。未敢顯然與位爲異。究竟彥與位。豈能兩雄如
科臣之言。招日以討彥。誅彥而赦位。非止伸

天朝之威信。亦以除安氏之蠹賊也。兵機雖貴。審至於宣
布

皇仁分別逆順。宜顯不宜隱。宜鄭重不宜輕。忽楊一清謂遣京官賁勅宣諭。勝於數萬甲兵。良非虛語。

肅皇一遣黃綰撫勘。而大同遂定。乃其左券。恩威既洽。之後。如尚不悛。執而戮之。一獄吏事。何患紀綱不振乎。遼東神京左臂。控制諸夷。奴酋挾數黠胡。原非英傑。邊臣失計。祖宗疆土。拱手輸之。其當恢復。斷在不疑。然帝王之兵。以全取勝。必量度彼已。先定本計。立于不敗。而後可徐圖恢復。

皇上毅然立斷。簡任督撫。最號得人。寧遠堅守。挫賊本計。已定。假以便宜。隆以不御。何難辦賊。然臣區區猶抱隱憂。

者則以進取與固守之局宜定也。進取必大舉疾決其費廣而暫則焉奉世之破隴西固守必扼要害興營田其費省而久則趙充國之困先零兩賢計定建議不伸不止當時必與駁議再三灼知其便非凡所見不難排盈庭之說收已成之命罷散已遣之將吏而一以聽之。是之謂便宜。是之謂不取。故能言無虛發動有成功。未有征調窮海內安危在呼吸而可以冥冥決事者。以臣愚慮擁十萬之兵拓地數千里全師獨克而無後患必得豪傑之將將素練之兵輸不遺之餉襍虜無旁撓反間有內應乃可大舉疾決。談何容易。若老成謀國則趙充國之散騎士留田二千

頃月省穀鹽芟藁巨萬計而先零自碎書生籌邊則范仲淹之城要害復廢堡廣營田通互市以足軍需撫熟羌使爲漢用養威持重專行淺攻之策而元昊請和似爲近實可行奴酋雖狡望奢而法嚴然所用爲謀主不過內地奸人盤詰嚴密奸闖出入者屏跡其伎計自屈況有地不能耕有民不能撫多疑而好殺我能固守彼自見瑕因而感之恢復不遠故願

廟議之蚤爲決計也至于本折支給預定酌處使民不因而軍有餘饒方爲得策頃議遼餉臣亦在列實見新餉支給全非國制關係重大不敢輕言國制邊軍月餉八斗今

計取本色
最為要領

可發長恩

至每月一兩八錢幾再倍矣。而兵無八斗之實惠。至枵腹而譁。則不計處本色之過也。取之民者倍稱。則民生日感。給之軍無半菽。則士心日渙。以關門米價計之。措本色一分。卽當折色三分之用矣。趙充國謂糴二百萬斛。殺老不。敢動。曹操田許下。杜預田宛葉。

太祖方入金陵。卽命康茂才爲營田使。欲舉大事。先計本色。以銀充餉。起自近代。貴買不宿飽。輕賞易逃亡。至覺華右屯積穀。胡不給軍。乃以資寇。更不可解。不於此計算。乘除稽查出納。爲軍民兩利之術。曰催科日搜括事例。舍此原無奇策。然天地生財。止有此數。制取巧。取皆出于民安。

刑附邊事
其出共有

有定額之外。歲加五百八十八萬。而可以爲常者。尚缺額
二百餘萬。更派則竭澤。別項終盡。併如此景象。朝不及夕。
何待有識。方知其危。堯之命舜。惟以四海困窮。爲大戒。願
陛下急勅內外當事諸臣。勿狃熊廷弼三方布置。爲定本。
熟計新添鎮戍。應存應罷。本折支給。孰省孰費。軍民何以
兩利。戢守何以決策。要使權一而不分。以全力付當關將
吏。而後可收全局。無待變生所忽。然後駭而圖之也。戰守
計定矣。食足矣。必立文武軍民封拜世守之格。以開功名
之路。分疆畫地。人自爲守。能安集者。因而授之。後建州二
衛已廢之爵。求南北關之裔。以地降者。封以地。以部落降

者封以官。奴以殺我以仁。奴善并自利。我興滅繼絕。我但爵賞虛懸。彼自肘腋樹敵。卽曰有釜無柯。終亦狼顧內疑。奴傾覆是懼。敢與大邦爲仇乎。

司寇公胸有萬卷。筆灑千言。文章經濟之富。擅絕今古。而於

國家兵刑禮樂。河漕錢穀。及于地方利病。人才消長。舉動得失。議論是非。無不留心審別。有就正者。復不自恃其才識。臆決意創。必證引往昔。鑒然有據。使可信可行。可傳可久。而後已焉。如制禦諸條。議亦足見其一班矣。乃孜孜好學。垂晚不倦。非見賓客。書不離手。尤喜與後進有志者談論。其鋒嶷嶷。而氣度又極溫舒。使人樂就而不欲罷。真

朝中之執幹。而宗里之楷模也。